

Llenwi eich cofrestr

Dylech chi gyflwyno eich cofrestr **erbyn 5pm bob dydd Gwener** ar gyfer yr wythnos honno. Wrth gyflwyno eich cofrestr, gwnewch yn siŵr eich bod chi'n defnyddio'r gofrestr ddiweddaraf rydyn ni wedi ei hanfon atoch chi. Mae'r tabl isod yn esbonio pob cod a phryd i'w ddefnyddio. Ni ddylai fod **unrhyw feysydd gwag** wrth ochr enw unrhyw blentyn.

Codau	Enw'r cod	Pryd i'w ddefnyddio (*dylai pob plentyn gael 5 o'r rhain)
/	Presennol (bore)	Defnyddiwch hwn i ddangos bod y plentyn wedi bod yn bresennol yn ystod y bore.
\	Presennol (prynhawn)	Defnyddiwch hwn i ddangos bod y plentyn wedi bod yn bresennol yn ystod y prynhawn.
I	Salwch	Defnyddiwch hwn os yw rhiant/gofalwr wedi dweud wrth y lleoliad fod y plentyn yn sâl ac na fydd yn bresennol.
M	Apwyntiad meddygol/deintyddol	Defnyddiwch hwn os yw rhiant/gofalwr wedi dweud wrth y lleoliad na fydd y plentyn yn bresennol oherwydd apwyntiad meddygol neu ddeintyddol.
H	Gwyliau teuluol	Defnyddiwch hwn os yw rhiant/gofalwr wedi dweud wrth y lleoliad na fydd y plentyn yn bresennol oherwydd ei fod ar wyliau.
C	Amgylchiadau awdurdodedig eraill	Defnyddiwch hwn os yw rhiant/gofalwr wedi dweud wrth y lleoliad ar ddiwrnod yr absenoldeb, neu cyn i'r absenoldeb ddigwydd, na fydd y plentyn yn bresennol, a bod yr absenoldeb 'wedi'i gyfiawnhau'. Dim ond pan nad yw'r absenoldeb yn dod o dan god absenoldeb arall y dylech chi ddefnyddio hwn. Er enghraifft, argyfwng teulu sydyn.
O	Plentyn ddim wedi cyrraedd (Absenoldeb anawdurdodedig)	Defnyddiwch hwn os nad yw'r rhiant/gofalwr wedi rhoi gwybod i'r lleoliad y bydd y plentyn yn absennol. Defnyddiwch hwn hefyd pan fydd y lleoliad wedi cael ei hysbysu ond nad yw'r rheswm am yr absenoldeb 'wedi'i gyfiawnhau'.
X	Lleoliad gofal plant gostyngol	Defnyddiwch hwn i ddynodi lleoliad gofal plant gostyngol. Bydd eich cofrestr yn cynnwys nifer yr oriau y mae pob plentyn yn cael ei ariannu i fynychu. Pan fo plentyn yn cael ei ariannu i fynychu llai na 5 sesiwn, rhaid ychwanegu X at y sesiynau eraill i'w wneud yn 5. Er enghraifft, ar gyfer plentyn sy'n mynychu ar fore Llun, bore Mawrth a bore Mercher, dylai'r codau presenoldeb perthnasol gael eu dewis i ddangos presenoldeb neu absenoldeb. Gan nad yw'r plentyn yn mynychu pob un o'r 5 sesiwn, rhaid ychwanegu X ar gyfer y ddwy sesiwn arall, sef bore Iau a bore Gwener. Rydyn ni'n defnyddio hyn i fonitro pan nad yw plant yn manteisio ar bob un o'r 5 sesiwn.
Y	Cau'n rhannol neu gau gorfodol	Defnyddiwch hwn pan fo'r lleoliad ar gau oherwydd tywydd garw, materion gwresogi neu faterion staffio. Defnyddiwch hwn hefyd os nad yw plentyn yn gallu bod yn bresennol gan eich bod chi'n gweithio gyda nifer llai o staff.
Z	Plentyn heb ddechrau yn y lleoliad	Defnyddiwch y cod hwn pan nad yw'r plentyn wedi dechrau ei leoliad eto. (Nid yw'r plentyn i fod i ddechrau yr wythnos honno.) Os oedd y plentyn i fod i ddechrau ond nid oedd wedi cyrraedd, dylai hyn fod yn absenoldeb anawdurdodedig (O)
Codau	Enw'r cod	Pryd i'w ddefnyddio (*dylai pob plentyn gael 5 o'r rhain)
#	Nid yw'r sesiwn yn berthnasol i'r plentyn	Defnyddiwch y cod hwn ar gyfer y 5 sesiwn yn yr wythnos nad ydyn nhw'n berthnasol i'r plentyn. Er enghraifft, pan fo plentyn yn mynychu 5 sesiwn fore, dylai'r cod presenoldeb neu absenoldeb perthnasol gael ei ddefnyddio ar gyfer pob un o'r sesiynau bore. Dylai # gael ei ddefnyddio ar gyfer pob un o'r 5 sesiwn brynhawn. Defnyddiwch hwn hefyd ar gyfer gwyliau banc.